

Ndugu

YAH: KUCHAGULIWA KUJIUNGA NA KIDATO CHA KWANZA 2025.

Ninafurahi kukufahamisha kuwa umechaguliwa kujiunga na shule ya Sekondari ya Wasichana St. Clare – Biharamulo. Shule hii ni kituo cha malezi ambapo vijana hulelewa katika maadili ya Kikatoliki. Pia wanafunzi hufundishwa masomo ya kawaida ya sekondari. Sala, mafungo ya mara kwa mara na maelekezo ya kiroho husisitizwa. Maisha ya **uadilifu, uaminifu, utii, nidhamu na unyenyekevu** hutiliwa mkazo ili kuleta ufanisi katika kazi zote.

Unatakiwa kufika shuleni siku ya **Jumatatu** Tarehe **13** mwezi **01, 2025**. Ninakupatia fomu ya tamko kujaza na kurejesha shuleni wakati unapokuja.

Mahali – Shule ya Sekondari ya Wasichana ya St. Clare – Biharamulo imejengwa Km.3 nje ya mji wa Biharamulo barabara ya kuelekea Rukaragata.

Usafiri – Mzazi / Mlezi atamsafirisha mwanae kutoka nyumbani hadi shuleni ambapo atamkuta mwalimu wa zamu atakayempa maelekezo muhimu.

Siku za kupokelewa kwa Mwanafunzi – Ikumbukwe kwamba mwanafunzi atapokelewa siku za kazi yaani Jumatatu hadi Ijumaa mwisho saa 10:00jioni (saa kumi kamili jioni) na siku ya Jumamosi mwisho itakua 7:00mchana (saa saba kamili mchana).

NB: Zingatia masaa hayo na siku ya Jumapili hakuna mapokezi.

MAHITAJI YA SHULE:

1. Fika na nakala ya cheti cha kuzaliwa (photocopy) asiyekuja na kitambulisho hicho hatapokelewa.
2. **A: KARO** kwa mwaka ni **Tshs.1,800,000/=** ambayo inaweza kulipwa mara moja au kwa awamu nne. Jinsi ya kulipa ni kama ifuatavyo:-
(i) January – 450,000/=, (ii) Aprili – 450,000/=, (iii) July – 450,000/=, (iv) September – 450,000/=

Malipo yote yafanyike Benki ya NMB Akaunti namba 31706600246 Jina la Akaunti ni ST.CLARE GIRLS SECONDARY SCHOOL na Kwa malipo yatakayopita benki mlipaji asisahau kuandika jina kamili la mlipiwa (Mwanafunzi) kwenye hati ya malipo.

B: IKUMBUKWE KUWA:

Sare za darasani (02), Sweta, sare ya shambani, Tisheti (02), sketi za kijani(02), sare za michezo, Passport size, kitambulisho cha shule, kitabu cha ripoti na vyombo vya kulia, kijiko (**vyote hivyo atavikuta/atavipata shuleni kwa malipo ya Tshs.360,000/= (Laki tatu sitini elfu tu); (Pesa hii italipiwa Benki Akaunti namba 31706600246 NMB).**

3. VIFUATAVYO ANATAKIWA AJE NAVYO:-

i) BIMA YA AFYA:

Unakumbushwa Mzazi / Mlezi kumpatia mwanao BIMA ya Afya aje nayo shuleni, kama hana unatakiwa kumlipia **Tshs.50,400/=** kwa ajili ya kumkatia BIMA ya Afya hapa shuleni. **HITAJI HILI LA BIMA YA AFYA NI LA LAZIMA KWA KILA MWANAFUNZI (Pesa hii iletwe mkononi).**

ii) Vifaa vya madarasani:

- (i) Dictionary (English – English)
- (ii) Kamusi ya Kiswahili Sanifu toleo la 04
- (iii) Dictionary ya French

(iv) Biblia ya kiingereza

(v) Daftari kubwa (Counter books Quire 02 - (13), daftari kubwa (msomi / master) – 13

(vi) Spring Plastic File moja na box file kubwa moja la kutunzia mitihani.

(vii) Mathematical set 1 (OXFORD) na School bag 1

(viii) Kalamu (pen) 10, Penseli za mfuto 5, Rula Celo Nzito Revlon 2

(ix) Kwa mwaka ni Ream 2 aina ni **Double A. (Aje nazo mkononi)**

iii) Vifaa vya bwenini ni kama ifuatavyo:

Godoro futi 2 ½ , Blanketi nzito 1, Solata na siyo tochi 1,viatu masai (visiwe na urembo), Ndala au yeboyebo 1, Viatu jozi (pair) 2 vyeusi vyenye visigino vifupi vya kamba, Raba nyeupe jozi (pair) 1, Shimizi nyeupe ndefu 2 za kuvalia gauni za darasani, Magazeti ya kuhifadhia pedi iliyotumika 1kg, Tracksuit bluu (blue) 1, Shuka rangi ya Pink Jinja 3, Mwamvuli size ya kati 1, Soksi nyeupe ndefu jozi (pair) 2(Stocking), Beseni Plastic 1, Ndoo ya plastiki ya lita 20-1, Dawa ya viatu vyeusi (kiwi), Brush ya viatu 1, Toilet paper 6, chandarua cha bluu, galoni -1 (lita 5) la kuhifadhia maji ya kunywa pamoja na tranka moja.

iv) Vifaa vya usafi: Mfagio laini wa ndani (Soft broom) 1,mfagio mgumu (hard broom) 1, mpira wa kuvutia maji / kikamulio (Squeezer), mfagio wa nje (chelewa), Jembe lenye mpini 1 na kotama,

v) Mahitaji binafsi ya mtoto wa kike ya kuja nayo: Chupi 6 au zaidi, sindano 2, uzi, pedi, kitana, mafuta ya kujipaka yasiyo na kemikali.

NB: 1.Mwanafunzi haruhusiwi kuwa na vipodozi vya aina yoyote ikiwa ni pamoja na losheni (lotion), sabuni zenye kemikali, manukato (perfume).

2. Ikumbukwe kuwa mara mwanafunzi afikapo shuleni hatakuta sare tayari hivyo aje na nguo jozi 4 (4pairs) za heshima ambazo atazirudisha nyumbani wakati wa likizo fupi.

4. CHAKULA:

Chakula kikuu hapa shuleni ni ugali na Maharage pamoja na uji kwa kifungua kinywa. Mzazi anayejua kwamba mtoto wake hatumii vyakula hivi basi tunamsihi asipokee nafasi hii.

NB: Vyakula vingine hutolewa kulingana na utaratibu kama nyama, wali, mboga za majani pamoja na matunda.

5. UZALISHAJI MALI:

Kila mwanafunzi anatakiwa kushiriki kikamilifu katika shughuli za uzalishaji kama vile **KULIMA, KUPANDA, KUPALILIA, KUFUGA n.k** lengo likiwa ni kuhitaji kumjenga katika stadi za kazi na za maisha.

"URITHI WA MTOTO NI KUPATA ELIMU BORA"

**TUNAMTAKIA SAFARI NJEMA YA KUJA HUKU SHULENI
KARIBU SANA.**

**Kwa mawasiliano zaidi piga simu kwa namba zifuatazo:
0755 797 006 (Mkuu wa shule), 0765 281 363 (Makamu mkuu wa shule),
0768 944 226 (Mtaaluma mkuu wa shule)**

KWA MZAZI / MLEZI WA

PAROKIA YA

RULENGE—NGARA CATHOLIC DIOCESE

ST.CLARE BIHARAMULO GIRLS SECONDARY SCHOOL



S.L.P. 34, BIHARAMULO – KAGERA – TANZANIA

**FOMU YA MAELEKEZO YA KUJIUNGA NA KIDATO
CHA KWANZA MWAKA 2025**

**MOTTO: Education for serving with integrity
(Kauli mbiu: Elimu kwa ajili ya kutumikia kwa uadilifu.)**

**TAMKO LA MZAZI / MLEZI WA MTOTO ALIYECHAGULIWA
KUJIUNGA NA SHULE YA WASICHANA YA ST. CLARE YA
JIMBO LA RULENGE – NGARA.**

- Katika kipengele cha 1, 2 na 3 kata neno lisilo chaguo lako kati ya haya yaliyoko kwenye mabano.
1. Binti yako amechaguliwa kujiunga na shule hii:
Je, Mzazi uko tayari kumsaidia mtoto wako kwa kumlea vizuri ili baadaye awe raia / muumini mzuri, muadilifu, mnyenyekevu. (Ndiyo / Hapana)
 2. Binti atakayekuwa na tabia mbaya shuleni lazima aondolewe na kutafutiwa shule nyingine kwani kuna makosa ambayo hayavumiliki shuleni.
 - Mzazi utakuwa tayari kumtafutia shule nyingine mwanao atakapoonekana hazingatii maadili ya shule na ya Kanisa? (Ndiyo/Hapana)
 3. Shule hii haipati ruzuku kutoka Serikalini wala mahali popote, ila inaendeshwa kwa karo na michango ambayo inatolewa na mzazi wa mwanafunzi.
 - Kwa sababu karo inaweza kupanda, utakubali kulipa karo kiasi kitakachopangwa na Bodi ya shule wakati mwanao yupo shuleni? (Ndiyo / Hapana)
 4. Mwanao ana ugonjwa au tatizo la kudumu? Eleza wazi (usipoeleza mwanao akigundulika baadaye kuwa mzazi hukuwa mkweli mwanao atarudishwa nyumbani mara moja). Fahamu kuwa shuleni wanafunzi wote ni sawa hakuna chakula maalumu au "Special diet". Ugonjwa wa mwanangu ni.....
 5. Iwapo kuna haja ya mawasiliano ya dharula toa orodha ya wanaoweza kuelezwa.

Na	JINA	ANAPOISHI	UHUSIANO	NAMBA YA SIMU
1.			BABA / MLEZI	
2.			MAMA/MLEZI	
3.				
4.				

6. Mimi(Baba) na(Mama)/Mlezi tunatoa tamko kuwa **TOTALIPA MALIPO TULIOELEKEZWA** kwenye fomu ya kujiunga **BILA MALALAMIKO NA HATUTADAI KUREJESHEWA FEDHA YOYOTE** tukiishalipa hata kama mtoto wetu itabidi aondoke shuleni akikiuka maadili. Hakikisha kuwa unapata RIPOTI ya maendeleo ya Taaluma na nidhamu kutoka kwa mwanao kila ajapo nyumbani wakati wa likizo ndefu.

NB: Mzazi hakikisha unasoma vema ripoti ya mwanao na kuisaini sehemu husika usipofanya hivyo mwanao atarudishwa nyumbani ili ukamilishe kipengele hicho.

7. Kwa kuwa shule ina wastani wa ufaulu ili mwanafunzi aendelee kubaki shuleni ambao ni 50% kwa sasa, mimi mzazi ninakubali kwamba mwanangu asipofikisha wastani huo arudishwe nyumbani na nitampokea na kumtafutia shule nyingine. Ninakubaliana / tunakubaliana na maelekezo yote yaliyotolewa shuleni.

1. Majina ya Baba
Saini Tarehe
2. Majina ya Mama
Saini..... Tarehe

Iwapo mtoto analelewa na ndugu tofauti na wazazi

8. Majina ya mlezi
UhusianoSaini.....Tarehe

TAMKO LA MWANAFUNZI

9. Mimininakubaliana /sikubaliani na maelekezo na sheria nilizopewa. Nitatenda **HAKI**, inaleta **AMANI**, nitakuwa **MTIIFU, MWADILIFU, MNYENYEKEVU, MKWELI, MWAMINIFU** na **NITAWAHESHIMU** wakubwa na wenzangu wote. Nitaliheshimu **TAIFA** na **KANISA KATOLIKI** na wahudumu wake wote niwapo shuleni na ninapokuwa nje ya shule. Nitajitahidi kitaaluma kuvuka wastani wa shule ambao ni 50% kwa sasa na iwapo sitafikisha wastani wa shule nitakubaliana na hatua zitakazochukuliwa dhidi yangu.

- Jina la mwanafunzi
- Namba ya mtihani wa darasa la saba na shule atokayo (aliyosomea)
- Saini tarehe.....

FUTA ambayo hayastahili. Usipofuta tutachukulia **kuwa majibu yako yote ni HAPANA. TUTAWAPOKEA WENYE MAJIBU YA NDIYO TU.**

NB: LENGU LA SHULE – Ni kutayarisha raia bora wa kesho, kwa hiyo mtoto wako anatakiwa awe na Moyo wa IBADA, HESHIMA, NIDHAMU. Awe msikivu na mchapa kazi wa darasani na nje pasipo kusukumwa.

Fomu hii irudishwe shuleni siku ya kuripoti mwanafunzi.

Kila Mwanafunzi wa St. Clare anapaswa azingatie yafuatayo:-

1. HESHIMA.

- i) Mwanafunzi asimame na kumsalimu Mwalimu au mtu yeyote anayemzidi umri anapopita, aingiapo darasani au kwenye ukumbi wa mikutano.
- ii) Mwanafunzi asitumie lugha mbaya kati yake na mwenziye kati yake na Mwalimu/Mfanyakazi au mtu yeyote.
- iii) Kila mwanafunzi awaheshimu wafanyakazi wote waliopo Shuleni.
- iv) Kila mwanafunzi athamini na aheshimu kila aina ya kazi shuleni pia kila mwanafunzi ashirikiane na kusaidiana kazi kati yake na mwanafunzi mwenziye.
- v) Mwanafunzi haruhusiwi kufuga kucha, kuwa na nywele ndefu, kuvaa mavazi yasiyo ya heshima, au urembo wa aina yoyote ambao unaweza ukapotosha lengo la mwanafunzi, kama mavazi ya kubana, mikufu, lip – shiner, lip – bum, kupaka hina, perfume au mafuta ya manukato ya aina yoyote – **vyote hivi haviruhusiwi.**
- vi) Kila mwanafunzi aitike wito wa kengele au wito wowote mara moja.
- vii) Kila mwanafunzi azingatie kanuni za Kikatoliki awapo Kanisani.
- viii) Kila mwanafunzi hana budi kuheshimu Bendera ya Taifa, Serikali, Nembo ya Taifa (Court of arms), Wimbo wa Taifa na Fedha za Taifa.
- ix) Kila mwanafunzi aheshimu ukumbi wa mikutano, bwalo la chakula, Ofisi za walimu, Ofisi ya Mkuu wa Shule, Mali ya umma na Mali binafsi.
- x) Kila mwanafunzi akae kimya wakati wote darasani. Aombe ruhusa wakati wa kutoka nje, na anyooshe mkono na asimame wakati wa kuuliza au kujibu maswali. Kila mwanafunzi awe mfano bora wa heshima na tabia njema mahali popote ndani na nje ya shule.

2. KUSALI.

- Kila mwanafunzi lazima awepo na ashiriki Misa na sala zote zinazosaliwa shuleni kadri ya utaratibu.
- Baada ya sala za 4:00 usiku kila mwanafunzi awe kimya (Complete Silencium), (Absolute Silence), aelekee bwenini akiwa kimya. Atakayekaidi atachukuliwa hatua za kinidhamu.

3. MAHUDHURIO.

- i) Kila mwanafunzi hana budi kuhudhuria vipindi muda wote wa masomo.
Muhimu:
 1. Kila mwanafunzi atakayeshindwa kufikisha wastani wa shule wa alama 50% atashauriwa kutafuta shule nyingine.
 2. Lugha kuu za mawasiliano wakati wote ni Kiingereza na Kifaransa.
 3. Kazi za mikono ni lazima kwa wote.
- ii) Kila mwanafunzi ni lazima kuhudhuria mikutano ya shule, kwa mfano Baraza la shule, Ukaguzi wa Usafi, Mikutano / vikao vya mabwenini, Madarasani, kupandisha bendera ya Taifa, paredi n.k.

4. KUWAHI.

- Kila mwanafunzi ni lazima kuwahi shughuli zote za shule kama zilivyopangwa katika ratiba ya kila siku.
- Wakati wa kufungua shule kila mwanafunzi ni lazima afike shuleni tarehe zilizopangwa. Atakayechelewa siku iliyotajwa aletwe na mzazi, mzazi ataeleza sababu za kuchelewa kwa mwanae.
- Itokeapo dharura yoyote kila mwanafunzi afike mara moja mahali husika asikiapo wito wa kengele.
- **Majina yataitwa (Roll Call) kila mara, atakayekosekana wakati huu atakuwa amejifukuza shule.**

5. SARE ZA SHULE.

- Sare za shule ni lazima zivaliwe wakati wa masomo darasani, kutoka nje ya shule kwa shughuli za shule, mhadhara wa shule (Baraza), kwenda hospitali. Wanafunzi watakapokuja shuleni au kwenda makwao nyakati za likizo pia kuwa sare za shule ni lazima.
- Wakati wa michezo kila mwanafunzi avae mavazi ya michezo aliyoelekezwa.
- Kofia, viatu vya ghorofa (viatu vyenye visingino virefu) na mapambo aina yoyote **haviruhusiwi shuleni.**
- Sare na mavazi yote ni lazima yawe safi siku zote na yawekewe alama.

6. MIPAKA YA SHULE.

- Mwanafunzi asitoke nje ya mipaka ya shule isipokuwa kwa kibali maalum kutoka kwa Mkuu wa shule cha maandishi na muhuri wa shule.
- Wanafunzi hawaruhusiwi kutembelea sehemu zifuatazo isipokuwa kwa kibali maalum. Chumba cha Walimu (Staff Room), Ofisi za shule, Maabara, Jiko na Stoo ya Chakula, Nyumba za walimu na za wafanyakazi wasio walimu.
- Uongozi wa shule utatoa ruhusa ya kwenda maeneo yaliyotajwa hapo juu pale inapofaa kufanya hivyo.

7. WAGENI.

- Mwanafunzi ataruhusiwa kuonana na wagni wake ila kwa ruhusa maalumu.
- Wazazi wa wanafunzi watafika kujua maendeleo ya watoto wao siku za kawaida za juma kutoka kwa walimu wa madarasa au ofisi ya Mkuu wa shule kwa utaratibu utakaoelekezwa na Mkuu wa shule kila mwaka.
- Mgeni wa mwanafunzi atapokelewa kwa heshima na adabu.
- Wanafunzi wawasalimie wageni wote wafikao shuleni.

8. MAKOSA.

Makosa yatakasababisha kujifukuza shuleni mara moja ni pamoja na:

- Wizi, uongo, ukaidi na utoro (wizi wa vifaa na matunda)
- Uasherati, kutoa mimba, kuolewa, matumizi ya vifaa vya kuzuia mimba
- Uvutaji wa Bangi na matumizi ya madawa ya kulevya

- Makosa ya jinai (mfano kutaka kujiua)
- Kupigana, matumizi ya lugha chafu
- Kuharibu kwa makusudi mali ya umma
- Ulevi wa aina yoyote
- Kuwadharau walimu na walezi.
- Kudharau Bendera ya Taifa
- Kupata mimba
- Kukosa kusali
- Kushiriki katika migomo na maandamano
- Kosa ambalo kwa uzito wake linastahili adhabu ya aina hii
- Kumiliki simu, redio au vifaa vya umeme (**haviruhusiwi shuleni**)
- Ni marufuku kuja na chakula aina yoyote shuleni
- Kukutwa kitandani wamelala zaidi ya mwanafunzi mmoja
- Kutumia mafuta / vipodozi vyenye kemikali (vya kuchubua)

9. UGONJWA.

- Ugonjwa wa aina yoyote lazima uelezwe wazi mapema kwa mtaalamu wetu wa afya au kwa Mkuu wa shule pindi mwanafunzi anaporipoti shuleni.
- Ni marufuku kutumia madawa ya kienyeji kisiri. Dawa zote lazima zioneshwe kwa nesi au kwa Mkuu wa shule. Ukigundulika kuwa na madawa hayo kinyume cha utaratibu utajifukuza shule.
- Mwanafunzi yeyote asilale bila taarifa na ruhusa ya Nesi na pia ruhusa hiyo ni vyema Mwalimu wa zamu akafahamu ili kujua idadi ya wagonjwa waliolala dispensary na waliolazwa hospitalini ili awaorodheshe kwenye daftari la taarifa la zamu.
- ***Mwanafunzi hataruhusiwa kujiunga na shule iwapo ana ugonjwa wa kudumu usiotibika. Mfano kifafa, pumu, ugonjwa wa moyo, sickle cell, n.k.***

10. SIMU NA BARUA.

- Barua zote za wanafunzi zinazotoka na kuingia lazima zipitie Ofisi ya Mkuu wa shule.
- ***Mwanafunzi atapata kuwasiliana na Mzazi / Mlezi wake kupitia kwa Mfanyakazi aliyepewa jukumu hilo.***
- Ni marufuku kwa mwanafunzi kuwa na simu shuleni.

11. USAFI NA UHIFADHI WA MAZINGIRA.

- Kila mwanafunzi sharti ahakikishe maeneo yanayomzunguka ni safi. Hii ni pamoja na kupamba mazingira ya shule kwa kupanda na kumwagilia maua, miti na bustani za matunda na mboga mboga.
- Usafi wa vyumba vya madarasa na mabwenini ni lazima uzingatiwe. Atakayekaidi kufanya usafi atajiachisha shule.

KILA KITU KINAWEZEKANA KWA MUNGU.

Rev. Dr. Dagobert Kabendera (phD)

Mkuu wa shule ya Sekondari ya Wasichana St. Clare – Biharamulo.

MEDICAL EXAMINATION FORM

Name.....

(To be completed by a government Medical Officer)

The examination should include the following categories:-

1. B/P _____

2. HB _____

3. BLOOD GROUP _____

4. S/CELL _____

5. CHEST _____

6. ASTHMA _____

7. TUBERCLOSIS _____

8. HEART DISEASES _____

9. EYE SIGHT _____

10. HEARING _____

11. SPEECH _____

12. EPILEPSY _____

13. NEUROSIS / PYSCHOSIS _____

14. ALLERGIES _____

15. URINE ANALYSIS _____

16. PREGNANCY (UPT) _____

17. PEPTIC ULCER _____

Date

Name

Station

Signature

Designation

Rubber stamp